



Universitätsbibliothek Paderborn

Vitae Sanctorvm

Lippeloo, Zacharias

Coloniae Agrippinæ, 1603

Martyrvm S. Barlaam: Ex Homilia B. Basilij magni desumptum: quod
Cæsareæ in Cappadocia inuicto robore consummauit, anno Domini 304.
Marcelli Papæ 1. Galerij Maximiani Imp. 1. similiter.

urn:nbn:de:hbz:466:1-42787

Hildeberti, post S. Bonifacium Moguntinenis ecclesiae Archiepiscopum, duodecimi: qui anno Dominicæ incarnationis 935. decem Ecclesiae Moguntinæ Pontificum ossa è Sacello D. Hilarij memorato, solemnni cum processione Cleri & populi, ad Ecclesiam monasterij divi martyris Albani transtulit: & in choro summacum reverentia collocavit: inter quæ, corpus quoque beatissimi Pontificis Maximi, fuisse memoratur.

MARTIRIVM S. BARLAAM: EX HOMILIA B. BASILIJ MAGNI DESUMPTUM: QUOD CASAREÆ IN CAPPADOCIA INUICTO ROBORE CONSUMMATUS, ANNO DOMINI 304. MARCELLI PAPA I. GALERY MAXIMIANI IMP. I. SIMILITER.

19. Nouéb. PRIMVM quidem Sanctorum mors planctu ac lachrymis cohonestabatur: nunc verò moriétibus sanctis exultamus. Triustum namque post Crucem Domini immutata est natura. Iam non amplius Sanctorum obitus lamentationibus prosequimur, sed tripidis diuinis circum ipsorum sepulchra veluti choreas ducimus: Somnus autē iustis est mors: imò magis ad vitam meliorem migratio. Hinc est, quod martyres exultant, dum trucidantur. Non enim pericula, sed coronas respicit martyr: & plagas non horret, sed præmia numerat. Non videt lictores infernè flagellantes: sed Angelos supernè latus omnibus acclamantes imaginatur: non spectat ad temporaria pericula, sed ad præmiorum æternitatem. Id ipsum sanè hodie fortis ac strenuo Barlaam vsu venit: qui homo quidem agrestis insuperabilem nobis

Mors sanctorum somnum.

bis pietatis exhibet doctrinam: quem Tyran-
nus rapuit quidem veluti facilem prædam ac
venationem nactus; posteà verò insuperabi-
lem militem sensit: quem tanquam insana ac
delira loquentem risit, mox verò angelica vir-
tute strenuum horruit. Mores enim hominis
non fuerunt cum organo linguæ barbari, nec
ratio cum syllabis claudicare visa est. Sed erat
alter Paulus cum Paulo dicens: Etiamsi sermo-
nes sim rudis, non tamen scientia. Torpebant
iam flagellando lictores, martyr verò robu-
stior inueniebatur. Lacerantium manus ener-
vabantur, verum mens lacerati haudquam
flestebatur. Nervorum harmonias iam flagra
remiserant, ac fidei vigor vehementius strin-
gebatur. Perfossa latera absumebantur, men- *Vix diuini*
tis verò philosophia florebat. Maior carnis *amoris*,
ipso portio emortua erat: at ipse martyr, quasi
nondū inito certamine, firmus erat. Nam quā-
do pietatis amor animum hominis præoccu-
pat, quodcumque illi pugnarum genus ridicu-
lum reddit; & quotquot illum desideratae rei
gratia conuellunt: delectant magis, quam con-
sternunt.

Talis & nobis hodie laudatur miles; qui sup- *Dexterā il-*
plicia loco gaudij duxit. Dexteram habuit ig- *lius igne cre-*
ne firmiorem; quam, post varia tormenta, car- *matr.*
ceres & flagra, hostes illius igne concremarūt.
Ara namque pro more dæmoniaci libaminis
igne imposito martyrem adductum sistentes,
focoque incenso dexteram illius thure incen-
so plenam adhibuerunt: ea spe ut ignis vi
expugnata manus, necessario ac velociter
thus in aram excuteret. Sed martyr impiam il- *En ministro-*
lorum

rum Satanae infidias. Admiranda illius fortitudo.

Iorum spem admiranda planè constantia de-
Jusit: nam manum adēd fortiter tenuit immo-
bilem, ut stupentibus barbaris, flamma penitus
eam absumeret: sed nequaquam martyris vir-
tutem vel tantillum infringere.] Hæc & alia
plura affert in facti egregij commendationem
Basilius: adēd vt Mutij Romani, omnium penè
scriptorum chartis commendatum exemplū,
jam videatur huius comparatione vilescere;
ac veluti solis fulgore, quæ lucebat in nocte
lucerna, propemodum obscurari. Etenim ad
tale facinus illum error impulit; porrigereq;
dexteram, crimen maiestatis etiam caput exi-
gens, persuasit: martyrem verò Christi veri-
tas, cultusque pietatis reddidit fortiorum. At
nō in vno tantum Barlaam Christiana religio
gloriatur; sed alios propè innumeros huic si-
miles atq; præstatores habuit; ijs alijfq; tépo-
ribus, eiusmodi atq; maiorū facinorū patrato-
res. Nō enim in vno Barlaā, sed alijs quam plu-
rimis sœua tyrannis, quo specientēs videren-
tur Christiani aræ incensæ cum thure admo-
uisse manum, eiusmodi est experta noua cru-
delitatis arte sœ uitiam.

Vide Notat. C. Baron. in Martyr. Rom.

19. Nouē.
Parentes eius.

*VITA S. ELIZABETH REGIS HVN-
garorum filiae: Ex ea quæ est per Iacobum Mon-
tanum Spirensem. Tempus obitūs eius &c. pa-
tet infīa.*

ELIZABETH nobilissimis in Hunga-
ria parentibus, patre Andrea Rege bel-
li iuxta ac pacis artibus præstantissimo,
matre verò Gertrude Regina, virilis animi fœ-
mina, progenita est. Quam lactantem adhuc
Herma-